

新修江寧府志卷之三十七

人物四 忠義

晉王諒字幼成丹陽人少有幹略遷武昌太守初新昌太守梁碩專威諒謀誅碩弗克諒敗碩逼諒奪其節諒執不與遂斷諒右臂諒正色曰死且不畏臂斷何有憤恚而卒事詳晉書本傳

樂道融丹陽人爲王敦參軍敦將圖逆謀害朝賢以告甘卓卓以爲不可道融雖爲敦佐忿其逆節因說卓討敦卓不從道融晝夜涕淚憂憤而死事詳晉書本傳

宋張約之棠邑人耿介不阿授吉陽令景平元年朝議

新修江寧府志

卷之三十七

忠義

一

廢廬陵王約之疏諫不納遂見殺

齊顏見遠晉侍中含六世孫爲齊御史治書梁武受禪見遠痛哭而死

唐劉鄴字漢藩句容人父三復以文章知名李德裕觀察浙江辟爲掌書記使鄴與其子共師學咸通初擢左拾遺召爲翰林學士歷中書舍人傷德裕以朋黨抱誣竄死海上書訟其冤復官爵後爲左僕射黃巢亂僖宗西狩追乘輿不及爲賊捕急不肯屈遂見殺事詳新唐書本傳

宋秦傳序江寧人淳化中充夔峽巡檢使李順之亂賊

攻夔州督兵拒戰城中乏食力不能支乃爲蠟書報上
赴火死其子奭遡峽求父尸溺死時以爲父死忠子死
孝奏至太宗嗟惻久之錄其次子煦爲殿直以錢十萬
賜其家事詳宋史本傳

朱慮溧水人政和八年進士建炎二年官左從事郎潭
州瀏陽令四年軍賊杜彥等陷瀏陽慮力戰三日死之
陳邁金陵人登進士第爲治有績蔡京惡之欽宗時位
光祿大夫徙中山金人再至邁冒圍入守城陷殉難死
事詳宋史本傳

劉綰高淳人累官安撫使靖康初死金人之難其後曰
新修江寧府志

卷之三十七

忠義

二

應炎者任臺諫因不附賈似道被謫歸隱不仕云

秦鉅字子野江寧人丞相檜曾孫嘉定間通判蘄州金
人犯境與郡守李誠之協力捍禦城破各以自隨之兵
巷戰死傷略盡鉅歸署疾呼吏人劉廸令火諸倉庫乃
赴一室自焚老卒冒火挽出之鉅叱曰我爲國死汝輩
可自求生掣衣就焚而死二子浚灑皆從父死後封鉅
義烈侯子贈通直郎立廟蘄州事詳宋史本傳

趙時暉六合人宋宗室子端平三年蒙古攻六合總轄
李江降時暉死之

江萬里字子遠句容人僑居饒陽寶祐四年進士歷官

丞相殉國難子孫奉其衣冠歸句曲建祠崙山贈太師益國謚文忠

按史貽直江公祠記知萬里原籍句容其子孫奉其衣冠歸葬句曲崙山建祀以祀

因此說史傳未載是以表之

汪立信其先建康人也淳祐六年進士咸淳十年元兵南犯賈似道督軍江上以立信爲江淮招討使就建康募兵受詔卽上道似道師潰守臣皆遁立信歎曰吾今日猶獲死於宋土也悲憤而卒至元丁丑歸葬溧水都堂山

元趙龍澤溧水人父鑑江西行省都事封句容縣男龍澤雷州清道寨巡檢侍養不仕會汝穎兵起攻陷建康亦遇害唯雷澤與長子棟及弟宗澤得免

明孫炎字伯融句容人博學雄辨太祖下集慶召見炎首勸收攬俊傑克處州以炎爲總制招劉基不至炎貽書數千言始來見送之建康處州故賊衝苗軍作亂脅降炎炎不屈賊饋酒炙炎大罵賊怒叱使解衣炎曰此紫綺裘吾君所賜當服以死遂見害後追封丹陽縣男事詳明史本傳

鄒銘六合人洪武間以虎賁左衛百戶從征雲南死於陣事聞以其子政爲貴州烏撒衛副千戶

沈旺六合人洪武間湖廣武昌護衛百戶從征荆門州死於陣其從承襲亦陣傷同邑中又有龍再一許福一皆以從軍死於陣

馮佚其名六合人明初巨族食指數千重門邃壁十餘里燕兵南犯將至境馮氏積水決渠遏燕將士築城堡結義兵數百以禦之燕師却走乃由天長至揚州渡江而破金陵王旣稱帝籍沒馮氏之家夷其族事載竹鎮紀略

齊秦溧水人洪武中進士累官兵部尚書受顧命輔皇太孫時諸王皆尊屬擁兵專制地嫌勢逼秦請宣詔諸

新修江寧府志

卷之三十七

忠義

四

王臨邸母奔喪吏民悉聽朝廷節制諸王不悅謂齊尙書間我也後靖難兵至秦被執不屈死叔氏曰陽彥曰襄城曰大愷曰時永從弟曰敬曰宗曰宰七人俱賜死事詳明史本傳

甘霖字沛之高淳人洪武初寄籍懷寧登丁卯賢書任御史以剛直廢又薦起太祖奇其貌曰浙中大旱汝往霖之授左參政以六月抵任率僚屬祈禱大雨隨至歡聲溢四境尋以病乞歸靖難師至錄用舊臣擢霖江西布政使不就被逮至京不可屈從容求戮死

陳太初字祐一高淳人建文壬午經魁靖難兵入不食

死妻唐氏投繯以殉

楊璟六合人建文壬午以陝西漢中衛百戶死於王事後以子洪貴累贈後府都督昌平侯

韋敬六合人以福建漳州衛副千戶死於陣

張益字士謙江寧人永樂乙未進士正統時遷侍讀學士知制詔詞翰敏贍時稱文豪從征歿於土木之難贈翰林學士諡曰文僖附明史曹鼐傳

王一居上元人擢太常贊禮郎宣德初舉南郊禮儀度醇雅特遷少卿正統時死土木之難

夏斌包真俱六合人正統十四年俱以錦衣衛校尉隨

新修江寧府志

卷之三十七

忠義

五

駕北征戰死於鷓兒嶺

湯永勤字公讓東甌王和之孫少負才爲應天諸生與府尹不合攘臂去題詩學門有從今袖卻經綸手且向江頭理釣絲之句周文襄忱奇其才疏薦之于忠肅試以古今將略應對明敏忠肅曰此文武材也後以叅將力戰孤山堡衆寡不敵死之

黃宏字德裕六合人宏治壬戌進士由萬安知縣歷江西叅議九江盜起宏平之宸濠叛一時迫脅者多得釋宏不從以手械倚柱蹙項死暴屍數日濠誅贈太常少卿祀旌忠祠

武暉字元晦溧水人嘉靖間由臺史授台州府知事監司林應箕廉其能俾攝仙居黃巖皆稱治會倭犯境暉率兵擊却之越五日倭突至城陷暉馳報監司不之譴益加慰勞暉感激自誓往禦倭於拗嶺以奇兵掩殺之倭亦以奇兵還擊衆潰暉殿手刃數十人而援不至遂沒於陣奏聞贈太僕寺丞蔭一子

陳山王速宗仁張憑李秀季寶許金郭能呂洪姚訓崔甫陳甫嚴在盛遷周浦沈坤崔貫孫寶黃庚十九人俱六合民兵嘉靖三十二年倭犯境戰於八團山速仁憑皆殺傷數賊死於陣三十四年大戰秀及寶等十人死

新修江寧府志

卷之三十七

忠義

六

舟戰於劉家河坤等同溺死當事上其功命設厲壇爲位祭之

李佛保溧水有力人也忠義自許嘉靖間倭犯溧衆惶潰保獨挺身力戰死於募軍橋同時邑中丁遵亦以禦倭戰死

王二把勢六合人膂力技藝冠絕流輩邑令董邦政所養士也嘉靖時倭內寇董督民兵禦之王爲先鋒數奏奇績後倭大至王揮刀戰衆寡不敵沒於水

童仲揆字元圃上元人萬歷戊戌武進士猿臂善射有古名將風爲四川都司經畧熊廷弼聞其名疏調軍前

屢立戰功天啟元年率師渡渾河赴援衆寡不敵伸揆揮短兵接戰中弩死贈都督廕其子以振後歷官叅將亦死於陣事詳明史本傳乾隆四十一年

賜諡烈愍

張可大字觀甫應天人萬歷辛丑進士由守備歷舟山參將城久圯命築之海潮害稼築碇蓄淡水田遂爲膏腴莊烈初命爲登萊總兵官平島帥劉興治之亂內陞左軍都督聞變回登州爲戰守計城陷以佩劍付部將盡斬諸婢妾投繯死諡莊節事詳明史本傳

姚九疇字庚先

縣志作康元

江寧人爲浦口守禦崇正八年

新修江寧府志

卷之三十七

忠義

七

冬從遊擊汪之斌援江浦與賊戰連敗之城賴以全之斌欲搜山九疇阻之不聽中賊伏九疇率所部往救出斌於重圍賊麋至援絕矢窮誘降不屈罵賊死同時有姚國輔姚士良皆死於陣與九疇稱三姚云乾隆丙申

賜九疇諡節愍

梁志仁字霏玉江寧人由鄉貢授衡陽令立易徵便民之法改羅田縣流寇羅汝才犯境以志仁長者不忍加兵會邑姦導其別校入城志仁巷戰手刃數賊被執大罵賊碎支體而焚之妻唐氏亦被殺汝才馳至以擅害志仁誅其別校以禮歛之事聞贈蘄州知州乾隆丙申

賜諡烈愍

庠生熊國璽江浦人崇正乙亥除夕流賊逼城下國璽率士民守埤會賊登城奮力格鬪冒刃死諡忠烈

武生楊五雲江浦人流寇破和五雲日夜練民兵寇至禦之無不以一當百城賴以完久戰乏援卒爲賊害

談王道字對揚六合人以鄉貢授當塗訓導移新鄭歲大稔爲粥糜命其長子躬哺之存活甚衆崇正十四年鄰邑俱陷孤壘無援知縣劉之暉病王道協民城守不避矢石環攻不下賊以大砲攻之城應聲碎猶踞守東城連被數矢墮賊索縣印詈曰此朝廷家物賊欲何爲

新修江寧府志

卷之三十七

忠義

八

賊怒併其子殺之

劉旋字遞生江寧人崇正戊辰恩選授四川崇寧令崇正十年流賊張獻忠寇蜀州縣望風遁旋誓死守城陷被執厲聲大罵賊怒剜目剔腎而死乾隆丙申

賜諡節愍

潘可大金陵人崇正乙亥授安慶叅將偕道臣史可法堵賊於桐潯十年賊犯太湖可大與總兵程龍禦賊鄆家店多所殺傷會天雨師不得出力戰月餘矢盡糧絕戰死乾隆丙申

賜諡忠烈

葛元素句容人崇正元年恩選第一授山東賓州州判
陞本州霑光令流賊寇境城陷元素抗節不屈
陳虞孕昆明籍上元人仕濟南府同知崇正十一年濟
南南破虞孕死之乾隆丙申

賜諡節愍

蘇岫梅江浦人有勇略流寇橫行岫梅爲賊邀去飲之
酒詭云善歌攜壺引滿作侑酒狀卽以壺擊賊立斃羣
賊怒爭欲殺岫梅岫梅奪刃自刎死

彭武伯楊崇猷六合人楊信之後襲爵崇正甲申闖賊
陷京城自縊死乾隆丙申

新修江寧府志

卷之三十七

忠義

九

賜諡節愍

徐有聲字聞復上元人崇正辛巳廷試上奇其對擢戶
部貴州司主事居官廉勤死闖難

汪偉字叔度上元人崇正戊辰進士授慈谿令多異政
戊寅擢檢討荆襄失守上江防綢繆疏千餘言帝嘉之
甲申保定游擊謝加福殺巡撫徐標迎賊偉聞泣曰事
至此乎賊薄都城守兵乏餉不得食偉市餅餌以饋而
已城陷偉繼室耿氏簡新製和衣上下縫固以待偉援
筆題襟曰翰林院檢討汪偉繼室耿氏同死節次早城
陷投繯死諡文烈後賊遁縱火偉寓被焚內姪吳的哥

懼不可保自縊柩旁須臾火滅兩棺得全

本朝賜諡文毅事詳明史本傳

胥自修字二如江寧人萬歷壬子舉人令曲陽治爲三
輔最丁艱服闋補宜黃令以捕姦忤當事左遷衢州府
檢校轉光祿監事未赴聞京都陷具衣冠肅拜絕粒死
吳可箕上元國子生甲申聞變可箕具酒食召親友言
別莫解其意己乃製白衣題詩於襟入英靈坊關廟闖
殿扉自縊死同時有孝陵衛董啟明者自縊樹下妻王
氏與子女俱死武舉黃士彩亦題門自經死

馬純仁字公樸六合縣庠生流寇猖獗殄滅無時誓與

新修江寧府志

卷之三十七

忠義

十

友人以身殉國甲申聞變投滁河卒

都司張良佐上元人宏光時與都司王廷佐守備劉統
從左懋第出使

本朝俱以執節不降死乾隆丙申

賜諡節愍

張良佐王廷佐
劉統俱上元人

毛至潔六合人侍父疾割股療之旣終喪往浙西從黃
公石齋講學公赴閩至潔還里崇正壬午貢成均授縣
尉聞黃公遣使辭不就職竟往粵西省黃公於戍所宏
光立黃公被召至金陵至潔朝夕追隨尋從黃公入閩
薦授廣信通判參幕府黃公進至婺源師大敗被執至

潔與同門賴雍蔡紹謹趙士超俱械至金陵黃公殉節
四人皆死之

賜諡烈愍

楊光弼字次公上元人庚辰科武進士爲三江營都司
隸史可法麾下乙酉春總兵賀某知國勢難支固邀光
弼去辭曰事閣部十二年一旦去之安知異日不去大
將軍乎賀曰真義士也後總督徽嚴衢等處駐師江郎
丙戌秋偕族叔副將賓王從弟遊擊光宙同盡節死
劉鳳池溧水人乙酉兵至作遺言付子六斤從容赴水
死家人跡至見衣冠整飭立河中面如生

新修江寧府志

卷之三十七

忠義

十一

芮珂高淳人由武舉任六安州守備兵至城破殉難死
許士楷句容人讀書不成然不與流俗伍聞鼎革七日
不食死

邢仕囑字帶甫高淳廩生爲南康縣主簿鼎革時兵至
城陷死之子振慈抱父屍慟哭亦死

唐自綵達州籍江寧人宏光時爲臨安令杭州破自綵
逃山中有言受魯王敕者捕獲不屈死從子階豫同死
難乾隆丙申

賜諡忠節

李信字吾斯句容貢生選廣東和平縣令兵至境圍城

兩月力不能支招二子至營俱死一老諸生楊姓者在署中曰吾亦江右文學也忍獨生乎亦死

劉世勳上元人守安洋城力戰死乾隆丙申

賜諡烈愍

按世勳魯王時將

張名揚江寧人定西侯名振之弟魯王時左都督舟山破兄弟同自焚死乾隆丙申

賜諡烈愍

焦潤生上元人桂王時蒞曲靖府知府流寇孫可望犯境與御史羅國獻同被執不屈死事詳明史忠義傳乾隆丙申

新修江寧府志

卷之三十七

忠義

十三

賜諡節愍

陳六奇字鳴驚上元人萬歷戊午舉人授南寧令雲南大亂曲靖爲土酋所據知府焦潤生旣死六奇被執不屈闔門遇難乾隆丙申

賜諡節愍

朱家梁江寧人寧州知州按滇省志沙定州之亂家梁罵賊而死乾隆丙申

賜諡節愍

李開光陳萬策俱江寧舉人寇難殉節
黃金璽江寧舉人宏光時殉節

國朝劉斌字太修上元人順治戊戌武進士授湖北鄖陽守備調竹谿值吳逆亂矢志不屈乞師進勦時賊攻寨急妻周氏固守脫簪珥易糧兵感奮憑高發插石七戰傷賊千餘

詔加副將兵力戰死子銓性孝貧無嗣

王仁錫上元人順治乙酉拔貢授寧國府太平縣知縣吳耿二逆餘黨兵至攻陷其城仁錫被縛不屈與親屬七人皆殉難入祀昭忠祠後裔世襲恩騎尉

徐一范高淳人崇正戊辰進士順治初爲河南巡按蒞大同左衛道順治八年以兵譁難作陣亡乾隆三十年

新修江寧府志

卷之三十七

忠義

十三

奉部行查置主入昭忠祠後裔世襲恩騎尉

劉虔溧水人庠生順治二年冬土賊乘城據樓櫓焚縣署庫虔糾衆力戰而死入祀昭忠祠蔭一子嘉慶八年准襲恩騎尉世職

顧來鶴字和之上元人順治戊子武舉人歷仕都司僉事管陝西寧夏中衛守備吳藩煽亂來鶴召集鄉勇防守甚嚴賊勢漸張援兵不至城遂陷來鶴大罵不屈死之事聞贈遊擊將軍廕一子千總康熙二十三年

勅贈懷遠將軍入昭忠祠妻林氏爲淑人後裔世襲恩騎

尉

卜世儼字若思上元人康熙甲辰武進士任貴州鎮遠衛守禦吳三桂亂世儼從容殉節死事聞

贈都司僉書廕一子千戶康熙四十六年三月

聖祖仁皇帝南巡

特賜盡節邊疆匾額以旌之子歿無嫡嗣曾姪孫士恒承祀乾

隆二年奉

特旨入祀昭忠祠春秋丁祭並祀

姜山上元人仙霞嶺叅將康熙十三年遭耿逆變被執不屈罵賊死妻孺氏子文玉媳田氏闔戶自縊事聞

贈浙江衢州府副總兵

新修江寧府志

卷之三十七

忠義

古

梁堀江寧人明忠臣梁士仁姪也令仙遊耿逆亂被執不屈死之

李莊江浦人乾隆丁巳武進士任湖南撫標中軍叅將乾隆三十八年奉調進勦小金川由資哩南山梁黑夜進攻道途險仄失足墮崖死奉

旨照陣亡例減半卹賞加二級蔭一子衛千總

張瑛上元人嘉慶二年以從九職銜投効陝西軍營四月從鍾叅將勦賊於商州西牛槽銳志撲滅中矛陣亡奉

諭旨加等議卹給雲騎尉世職

哈國瓏江寧人由武舉授直隸營千總陞涼州鎮標右
營遊擊嘉慶五年冬剿賊於洵陽縣棗樹嶺臨陣戰死
給雲騎尉世襲